

tur, aut certè tanta copia non foditur, vt operæ precium sit. quanquam schisti venæ, natiuo non planè careât. A minio Hispaniæ fluuius Minius appellatus. Minij certè nulla terra feracior Hispania, teste Trogo & Plinio. Minio corpora tinxerunt Maxyes in Africa, & Aethiopes: facies item rustici in Latio sacra Bacchi celebrantes. Minio tinctæ fuerunt deorum statuæ; Panis, vt apud Virgilium; Iouis, vt apud Plinium; Bacchi, vt apud Pausaniam. Cera & minio, vel (quod idem est) cera miniatula antiqui epistolas notabant, vt ex Cicerone ad Atticum colligitur. Miniaturæ quoque fuerunt notæ librorum, quas paragraphos, coronides, & asteriscos > 3 ✕ suis nominibus appellarunt poëtarum interpretes: vt in antiquo Pindari exemplari animaduertimus, quod vir clarissimus Lazarus Bonamicus Patauij mihi ostendit: & quod nunc imitatus est regius typographus Parisiensis, Ru